



12228

西

麓

詩

稿



西麓詩臺

四明陳

秦鸞曲

允平

衡仲

盈盈白玉鈿
裊裊黃金縷
拍拍水晶奩
皎皎珊瑚樹
簾前雙燕飛
門外桃花雨
無處說相思
羞對秦鸞舞

登吳山

登高一展眺
宮樹鬱嵯峨
樓閣春風滿
東南王氣多
青天行日月
大地布山河
柳色沙堤路
時

西麓詩臺

一
讀書齋正本

聞響玉珂

明皇按樂圖

日日霓裳宴
綵樓三千歌
粉侍宸旒月
明宮殿雙龍伏
雲擁簫韶九
鳳游翠袖半
籠金約臂寶
釵斜墜玉搔
頭不知舞到
弓彎處一拍
春風一拍愁

鄂王墓

鄂王墓在棲霞嶺
一片忠魂萬古存
鏡裏赤心懸日月
劍邊英氣塞乾坤
蒼苔雨暗龍蛇壁
老

樹煙凝虎豹旛獨倚東風揮客淚不堪回首望
中原

賀伯父大資休致

不戀清時白玉璫便將身世寄滄浪三朝元老
黃樞閣四海閑人綠野堂楚楚菁蘭秋帶雨蕭
蕭寒菊晚宜霜擬成東甬耆英社賸樂壺天日
月長

送中上人遊天台

師作天台去長亭復短亭焚香參祖塔振錫動

西麓詩藁

二
讀畫齋正本

山靈石罅移菖歎松根斲茯苓何時白雲下相
與話青冥

寄王尊師

綵雲繚繞七香車洞裏神僊煉紫霞華表鶴歸
春寂寂東風吹盡碧桃花

過田家

村南啼布穀村北響縑車隔浦賣魚市傍橋沽
酒家野花朝日煖溪柳背風斜又過東隣去東
隣采菊芳

秋暮登太白

飄飄短褐袍倚杖立金黿橋東溪流急樹增山
勢高白雲連海嶠黃葉滿亭臯落日西風惡塵
埃兩鬢毛

雪

樓臺萬瓦玉鱗鱗遮盡人間富與貧可笑世情
剛道冷不知片片是陽春

觀弈象碁

陣勢頻分合機鋒互應酬馬飛關塞月砲落漢

西麓詩藁

三
讀書齋正本

天秋不問知心友翻成敵面仇誰能勞勝負獨
立大江流

香奩體

小院薰風滿閒庭白晝長蜻蜓楊柳岸鷓鴣茭
荷塘雲合朱簷卸山高翠閣涼蔓滋青薜荔芽
長紫良薑簾幙深深地闌干曲曲廊淡煙瑤草
細流水碧桃香幡影重門靜苔痕小篆荒螭盤
丹鼎雪龍吸露臺漿琴古翻新調笙沈艷舊簧
雨聲犀角枕月色象牙牀掌上雙鸚鵡屏閒兩

鳳凰石函藏寶劍金鑰啟瑤箱扇雉團清影奩
鴛鴦試曉妝霞綃衣窄索雲錦珮玎璫鬢攏金蟬
轟釵橫玉燕翔袂飄天水碧裙濺鬱金黃太液
簫初遠蓬壺漏未央流星飛碧落零雨下銀潢
去去人千里迢迢天一方斷腸春洛浦殘夢夜
瀟湘

侍謝立齋小酌湖樓

風捲珠簾客珮清杜鵑啼老送春聲水浮亭館
花閒出船載笙歌柳外行千里夕陽歸夢遠六

西麓詩堂

四讀書齋正本

橋飛絮馬蹄輕欄干倚遍莫天闊煙樹一鉤新
月生

題李丹壺壁

閑乘海上槎來訪謫僊家風逆磬聲短日低旛
影斜猿攀高樹果蜂採半巖花誰在丹臺上三
更煉紫霞

謁烏龍廟

斷碑猶紀唐時事山氣陰沈暗綠苔松木已逾
千歲壽香煙知化幾爐灰廊深無月鬼神過殿

古有雲風雨來曲曲九溪春水落子陵灘下復
東回

卽事

重重簾幙燕翩翩塵鎖朱樓十四絃榆火漸催
寒食節海棠花畔縛秋千

春詞

楊柳春風三月三畫橋芳草碧纖纖一雙燕子
歸來後十二紅樓捲繡簾

江南謠

西麓詩彙

五讀畫齋正本

柳絮飛時話別離梅花開後待郎歸梅花開後
無消息更待明年柳絮飛

歎鏡詞

憶妾初嫁時金屋藏窈窕忽見洛陽人鬢鏡長
安道明月掌上寒團團復皎皎千金買得歸惜
之如重寶奩開雙鳳飛帶結青鸞裊當時照妾
顏妾顏正年少如今照妾顏妾顏羞已老對鏡
頻歎嗟掩鏡徒懊惱不恨妾嫁遲惟恨妾生早
此恨空懸懸天涯滿芳草君不見長江逝水無

逆流歲去年來多白頭

登招寶山

宇宙初開闢何神立此山中流天柱石大地海
門關浪惡蛟龍怒雲深虎豹閑潮期與日月千
古一循環

秋夜遊東墅

雲壓高空雁陣低江城歷歷草離離樓臺秋淡
玉簫遠簾幙夜寒銅漏遲明月鷺鷥菱葉浦西
風蟋蟀豆花籬一樽酒盡銀河落猶有殘鐘出

西麓詩藁

六讀畫齋正本

古祠

春遊曲

長安二月東風裏千紅陌上香塵起都人懽呼
去踏青馬如游龍車如水兩兩三三爭買花青
樓酒旗三百家長安酒貴人未醉岸頭芳草日
半斜誰家女子嬌似玉約莫青春十五六鬱金
羅帶蘇合香琵琶自度相思曲相思曲聲斷續
斷續回文不堪讀回文斷續有續時離腸寸斷
無續期

春閨怨

妾家住在湘江曲門枕湘江春水綠年年長是
暮春時兩岸垂楊啼布穀自君話別湘江頭獨
上層樓彈箜篌蛾眉不掃遠山碧滿堤芳草春
正愁舉頭不見君但見湘江雲江雲散復聚妾
心空如熏舉頭不見君但見湘江水江水去復
回妾顏爲誰美湘江雲湘江水雲水悠悠何日
已舉頭望君君未歸門前楊柳空依依

野人家

西麓詩彙

七讀畫齋正本

遶江生杜若滿地長辛夷翦草塗新壁寒藤縛
舊籬瓦瓶春貯酒土竈夜蒸藜獨步歸來晚東
臯雨一犁

遊陽明洞天

萬木陰沈鎖石門煙霞深處近崑崙洞簫聲接
玉臺磬寶蓋影搖金殿簷湘浦有龍雲氣溼越
山無鶴露華昏靈芝採盡歸何處溪上白蘋花
正繇

哭樓梅麓

白玉樓成去作文祇從西棘挂朝冠生來病苦
相如渴沒後人知范叔寒野店春閑沽酒榼溪
堂月冷釣魚竿梅花麓上誰彈淚歲歲東風吹
不乾

宮詞

三十六宮春漏長隔簾時送御樓香倚籠盡日
教鸚鵡爲我君前說斷腸

無題

閑拈紅葉欲題詩待得詩成又懶題心事不隨

西麓詩彙

八讀畫齋正本

流水去月明人在赤橋西

題胡月山唫屋

蘇公堤上路日日課新唫流水行花影斜陽臥
柳陰斷橋春聽樂矮屋夜鳴琴皎皎山閒月如
君一片心

有所思

憶昔美人初別時長亭兩岸柳依依今日美人
天之涯美人胡不歸憶昔君別妾分破青
鸞鏡破鏡如破心與妾表相憶相憶圖久深憶

昔妾別君翦斷金鳳釵斷釵如斷腸贈君表相
思相思圖久長一日一日復一日青鏡鸞孤釵
鳳隻未必君相思能如妾相憶寒衣翦就欲寄
君長安門外無行人鴈聲半夜西風惡牕前一
片梧桐落

觀猿

挂石攀雲日半斜亂山深處飽煙霞香林月滿
僧歸去啼落春風幾樹花

失鶴

西麓詩彙

九讀畫齋正本

頂上新成九轉丹銜花日日到詩壇夜深飛上
雲霄去華表月明風露寒

宿大慈山悟眞觀

終南道士學彈琴門外松蘿鎖翠陰瀕海八龍
朝出洞隔山羣鹿夜歸林琪花過雨金風澹玉
樹籠煙璧月沈三十六壇鍾鼓寂雲璈聲接步
虛音

寄翁賓場

歷歷長涂謁魯侯征塵寧復戀貂裘江城露冷

霜初滑海谷冰消水欲流
夜月觀書徐穉榻春風聽樂仲宣樓
料君頻作西湖夢曾憶孤山有舊遊

下第懷樓壽朋

百尺丹梯擬共登
共登天上最高層
南山有霧空藏豹
北海無雲可化鵬
勳業十年塵裏鏡
詩書萬卷雨前燈
桃花開盡不歸去
又逐春風過武陵

別何橘潭

西麓詩藁

十讀書齋正本

駐馬赤欄橋餘寒著柳條
舟車富陽路風雨浙江潮
惜別津亭暮思歸故國遙
臨行莫惆悵回日定花朝

有感

軟紅塵裏度韶華
楊柳橋邊舊酒家
燕子不歸春漸老
東風開盡拆桐花

暮春

柳外宮鶯囀曉寒
萬花開盡正春殘
沈香亭北欄干曲
獨抱琵琶看牡丹

終日

終日懷人凭曲闌餘陰未放客衣單祇緣二月
風光淡別作一般天氣看梅粉有香銷夜雨柳
絲無力受春寒閒情漠漠難拘管自逐輕鷗下
急灘

過釣臺作

雙臺屹屹幾春秋千古高風一釣鉤越嶺有雲
山北障桐江無浪水東流雪深黃葉埋寒虎煙
煖青莎臥白鷗漢業已隨宮樹老月明長到客

西麓詩彙

十一 讀書齋正本

星樓

春閨

寂寞梨花院落閒遠山愁入兩眉彎黃金絡索
珊瑚墜獨立春風教白鷗

倚樓

金虬熏盡鷓鴣斑獨上層樓倚畫欄滿院梨花
香寂寞隔簾風雨正春寒

嚴陵郡舍

花飛石上斑水落白雲灣簾卷千重樹隍開四

面山鼓聲魚市近旗影訟庭閑滿目皆唵思殘
陽縹緲閒

西興

西興潮半落漁浦日初昏嶽面雲收腳沙頭浪
積痕樓鍾鳴野寺船鼓入江村回首長安路歸
心幾斷魂

曹娥廟

漢碣嵯峨幾百秋曲墳遺廟越山頭潮聲侵帳
鳳屏冷雲氣遶臺鸞鏡愁孝節稜稜雙檜立哀
魂渺渺一江流椒觴載奠靈風起知我懷親送
遠舟

西麓詩彙

十二讀畫齋正本

梁湖道上

東風酒旆斜浦口第三家谷鳥鳴春樹江鷗起
暮沙故鄉山漸近曲岸柳初芽客路歸心切孤
帆帶落霞

閨情

閒拈花片貼紗窗繡幙斜飛燕子雙細數歸期
相次近倚樓日日望春江

梅梁堰

廟近雲濤觀山遙翠欲重祇應溪上木便是洞
中龍堰折潮歸海樓迎浪蒼鍾斷碑荒蘚合終
古載靈蹤

虎丘卽事

西風劍珮輕獨立妙高亭山吐巖頭月江涵水
面星石犇蒼虎勢樹結老龍形何處吹簫客扁
舟過洞庭

青龍渡頭

西麓詩藁
天闊鴈飛飛淞江鱸正肥柳風欺客帽松露溼
僧衣塔影隨潮沒鍾聲隔岸微不堪回首處何
日可東歸

仲冬南樓野望

繡幙香溫生暮寒淡煙漠漠水漫漫吟殘庾嶺
梅千樹夢遶湘江竹萬竿風捲亂鷗棲古塔雪
迷孤鴈落前灘一聲玉笛人何所更上南樓獨
倚欄

夜泊

停舟野渡頭客路恨悠悠葉落風千樹鍾殘月
半樓蘆花雙過鴈莎草獨眠鷗山鬼燒青火飛
來照鬪鸞

梨花

流鶯偷入未央宮望斷昭陽信不通寂寞雨聲
寒食夜一枝香淚泣東風

賦林景參梅嶼

結廬分得鴈山雲嶼上梅花是四隣水月一天
薌世界冰霜千古玉精神短檠夜雨西牕夢長

西麓詩藁

西讀畫齋正本

寒人

賦潘鄮屋

洛陽纔解珮過眼忽秋分四海一明月千山共
白雲鴈煙迷曉樹蟲露溼香芹滿紙相思字臨
風欲寄君

吳江道上

夜半扁舟出洞庭客帆初挂早潮平社風纔起
海鷹至嵐霧未收江鷓鳴吳岫亂雲擎古塔楚

皐寒葉擁荒城垂虹橋外天連水無限別離生
杜蘅

登西樓懷湯損之

楊柳飄飄春思長綠橋流水遶官牆碧雲望斷
空回首一半闌干無夕陽

吳山雪霽

九天宮闕春風滿陸地樓臺夜月寒鐵笛一聲
吹鴈落片雲不到玉闌干

后土廟

西麓詩彙

十五讀畫齋正本

塵擁妝臺翡翠翹瓊花開盡玉魂銷崑崙山上
天風落二十四橋吹洞簫

湖上

流水斷橋邊笙歌擁畫船日酣花半醉春困柳
三眠策杖登雲洞觀魚上玉泉鳳城歸去晚山
鎖萬重煙

西湖暮春

雲山疊疊樹重重浙水迢遙客夢中啼鴉數聲
春去日落花滿地夜來風松關鶴立吟壇靜竹

院僧眠丈室空明日馬蹄何處所夕陽芳草畫
橋東

山房

軒牕四面開風送海雲來一陣催花雨數聲驚
蟄雷蝸涎明石凳蟻陣遶山臺此際衣偏溼熏
籠著麝煤

馬塍道上

閑拖瘦竹筇獨步馬塍東鳥影青山外春愁碧
樹中麥潮風化蝶櫻熟雨生蟲莫過谿頭去谿

西麓詩彙

十六讀畫齋正本

頭多落紅

遊僊曲

中秋月正明夜半飛紫瓊拂袖天上去攬衣朝
太清縹緲黃金闕迢遙白玉京離離百寶幢裊
裊九華旌簫韶起碧落散花飄羣英翱翔鸞鶴
舞清徹雲璈聲凌凌九霄寒風露薄青冥弱水
三萬里僊路渺蓬瀛不赴瑤池宴相約董雙成
吹笙騎鳳皇飛上芙蓉城

戍婦

梧桐葉落鴈來時見說沙場未解圍
夜夜燈前做鍼線倩誰邊上寄寒衣

過姚秋江釣磯

莎草離離碧樹閒祇疑曾是子陵灘
槿花籬落蟲聲碎蘆葉汀洲鴈陣寒
江上浪平潮正熟渡頭人去月初殘
夜深不管蛟龍睡獨對西風把釣竿

己酉秋畱鶴江有感

賓鴻幾過澗山湖夜夜西風轉
轆轤苜蓿草衰

西麓詩藁

十七讀書齋正本

江館靜枇杷葉老石泉枯
曲終明月閒歌扇病去寒灰滿
藥爐客夢不堪千里遠故園籬菊正荒蕪

經馮將軍墓

同山半白雲此地葬將軍
香火空遺像朝廷紀舊勳
鐵衣懸古塔金鉞鎮荒墳
一澗清泠水年年生紫芹

江村

草舍蔬畦遶柴門竹逕通
斷雲遮落日細雨溼

斜風野艾抽花碧
山茄帶葉紅
煙深南浦遠
難認楚江楓

江館野望

江邊鴈過秋江上
暮雲愁嶺曲
山橫轉潮回
水逆流亂莎行石
嶼殘荻臥沙鷗
黯淡三更月
何人獨倚樓

暮秋遊虎丘

寂寞虛廊暗
草萊天風繚繞
寶華臺江空露冷
蛟龍伏殿古雲深
鸛鵲來山館
老松塞綠蔓
石

西麓詩集

六九讀畫齋正本

壇芳桂落蒼苔
寒鍾敲斷楓橋月
半夜禪僧入定回

小樓

寒空漠漠起愁雲
玉笛吹殘正斷魂
寂寞小樓簾半捲
鴈煙蛩雨又黃昏

侍趙別駕宴壽樂堂

別駕移尊宴草堂
四軒簾幙卷斜陽
菱荷香滿鴛鴦宿
楊柳陰濃翡翠藏
風過水亭秋尚熱
月侵山閣夜偏涼
更闌酒盡不知去
坐看曉星飛

玉潢

留鶴江有感

抱玉歸來淚滿襟，世閒何許覓知音。此生雖有
噬臍悔，到死終無嘗膽心。伏櫪馬思雲路遠，避
鉤魚隱石潭深。故人若問淞江客，自採芙蓉學
楚吟。

送吳松溪過淮

鐵研毛錐未策功，又攜琴劍過臨邛。荆山有玉
鳴朝鳳，滄海無珠走夜龍。浦口月來僧館榻，渡
頭霜落客船鍾。自君別後知音少，空憶鴈山溪
上松。

西麓詩彙

九讀畫齋正本

送趙知縣歸天台

自是中朝柱石材，西風塵土暗蒿萊。河陽縣裏
花初放，彭澤門前柳未栽。準擬鳴珂來鳳詔，徘徊
抱玉下烏臺。明朝琴鶴歸何處，三迳故園多
綠苔。

姑蘇館

楚岫高低接太行，吳江渺漠下滄浪。秋城霜滿

葦花白夜館月寒莎草黃芳苑鹿臺初解珮故
宮鸞閣尚鳴璫五湖一葉扁舟去十二樓西幾
夕陽

雲閒洞天

門掩青松閒綠槐一奩圖畫自天開朝霞煉藥
黃金井夜月吹笙白玉臺樹老有枝皆薜荔地
閒無處不莓苔數聲野鶴驚殘夢疑是神僊出
洞來

採桑行

西麓詩集

三子讀書齋正本

妾本秦羅敷家住曲江曲門前楊柳青春風啼
布穀樹頭桑初芽家家蠶始浴相呼出採桑採
桑如采玉屈曲迴高枝攀條翦柔綠朝晴採桑
南暮雨採桑北採得桑歸遲小姑怨相促陌上
綺羅人問妾眉何蹙妾恨妾自知問妾何所欲
消磨三十春漸喜蠶上簇七日收得繭百斤十
日纈成絲兩束一絲一線工織成羅與縠百人
共辛勤一人衣不足舉頭忽見桑葉黃低頭垂
淚羞布裳

對燭

忽憶巴山夜西牕風雨寒自憐清影獨誰識寸
心丹草長花猶在香銷淚不乾海棠貪睡去惆
悵五更殘

春曉

曉風獵獵捲芭蕉簾幙深深燕子巢十二畫欄
都倚遍一雙蝴蝶上花梢

侍趙開府夜讌

賸陪華佩醉蟠桃楊柳飄飄拂午橋夜月樓臺
行錦障春風簾幙捲紅綃歌傳杏苑黃金縷樂
奏梨園紫玉簫銀漏滴殘珠履散踏花歸去路
迢遙

西麓詩彙

三讀畫齋正本

雷峯小憩

倚塔看明月寒光度玉繩曲堤藏小艇疎柳見
孤燈水竹映苔石巖花緣澗藤香雲吹散後猿
鶴伴高僧

錢塘旅舍

雲山千萬疊身事恨悠悠客鬢秋風急鄉心夜

兩愁蛩鳴鄰寺壁
鴈過隔湖樓
目送千帆遠
長江空自流

避暑

避暑入林扃
同僧坐竹亭
鳥飛晴地影
龍挂雨
天形掃葉鋪
椰簾臨流注
石瓶更無塵
跡到日
落夢初醒

山中吟

平生獨愛山
日日頻躋攀
自得山中趣
結廬萬
山閒
山西茂林麓
中有盤旋谷
飄飄雙鳳凰
飛

西麓詩藁

三讀畫齋正本

立山上
玉日出華山
陽月出廬山
崗巫山
雲漠漠
鴈山煙蒼蒼
東望泰嶽松
西望蒼梧竹
知心
侶漁樵忘情友
麋鹿山深春亦寒
野鳥聲
巖巒
山花隨處發
香風吹幽蘭
夏日飛火雲
枕簟訪
深僻坐
此松竹林
冰泉漱寒石
西風涼
蕭蕭鴈
過秋空
高時有巖桂
發落葉飛長臯
三冬氣凜
冽
獨立千崖雪
橫斜溪上梅
影落溪橋
月身在
此山中
閒情薄
太空行歌
白雲裏
白雲連
崆峒
朝餐山上霞
暮採山下藥
安得山中
人共跨山

頭鶴

西麓詩橐

臨安府睦親坊南棚前北陳宅書籍鋪印

西麓詩橐

三讀畫齋印

乾隆壬寅十一月十四日宋刻校正

橘

浮

詩

彙



橘潭詩豪

錢塘 何應龍 子翔

春寒

博山熏盡鷓鴣斑羅帶同心不忍看莫近闌干
聽花雨樓高無處著春寒

客懷

客懷處處不宐秋秋到梧桐動客愁想得故人
無字到雁聲遠過夕陽樓

寫情

橘潭詩豪

一 讀畫齋正本

灑淚題春墨暈乾東風無便寄郎難青箱再展
殘雲看盡卻相思字不完

寄胡雪江

借得官亭小似船六橋風月友三賢芙蓉未發
荷花老一點詩情若箇邊

旅中示同輩

與君同出已多時費盡囊金典盡衣只待春江
煙浪暖小舟先趁白鷗歸

清曉

清曉輕傳一信風
花添紅粉草添青
畫樓十二闌干曲
春在珠簾第幾重

筍

泥中莫怪出頭遲
歷盡冰霜祇自知
昨夜震雷轟渭畝
請君來看化龍枝

過垂虹

垂虹橋下水連天
一帶青山落照邊
三十六陂煙浦冷
鷺鷥飛上釣魚船

吳蠶

橋潭詩囊

一二讀畫齋正本

正是吳蠶出火時
交交牕外一禽啼
溪西有葉高難采
遙見青裙上竹梯

效香奩體

雲幕重重雨未收
嫩寒先到玉簾鉤
一杯晚酒無人共
羞帶雙花下小樓

木犀

露粟藏金一半開
層層碧玉映樓臺
西風昨夜吹香過
人在闌干待月來

夏日卽事

野土生煙草樹焦彤彤日脚火雲燒池邊自拗
青荷葉分付山童葢藥苗

題駱秀才葺故廬疏

家在西湖合澗橋短籬圍得數椽茅歸來頗費
支撐力羞見春風燕子巢

有別

樓上佳人唱渭城樓前楊柳識離情一聲未是
難聽處最是難聽第四聲

春詞

橋潭詩彙

三讀書齋正本

玉纖輕揭繡簾開行到花前淚滿腮正爾春心
無處託一雙蝴蝶忽飛來

有所思

曾倚空屏唱柳枝一聲嬌逐暮雲低重來只見
流鶯在立盡斜陽不冝啼

小園

池占方方十丈寬已栽花木四時看客來莫笑
生涯薄牕外新添竹數竿

爲客

初秋爲客暮秋歸一擔輕囊半是詩試問客情
何處惡五更孤店酒醒時

東風

和徹詩篇得暫閒落梅香裏立闌干新裁白紵
春衫薄猶怯東風一陣寒

有所見

不著畫羅金縷衣尋常打扮最相宜春風燕子
樓前過飄飄落梨花雪一枝

曉窗

橋潭詩彙

四讀書齋正本

桃花落盡李花殘女伴相期看牡丹二十四番
花信後曉窗猶帶幾分寒

居家

居家到底勝居官啼鳥聲中晝掩關待得小園
花落盡更須移酒對青山

采蓮曲

采蓮時節懶勻妝日到波心撥棹忙莫向荷花
深處去荷花深處有鴛鴦

盆中四時木犀

一樹婆娑月裏栽是誰移種下天來金英却似
清宵月一度圓時一度開

相思

二月春風楊柳青聞郎繫馬到長亭相思情味
如中酒折盡梨花嗅不醒

江上有感

江上秋深客未歸荻花楓葉兩依依傷心最是
長橋路落日西風一雁飛

見梅

橘潭詩彙

五讀畫齋正本

雲遶前岡水遶村忽驚空谷有佳人天寒日莫
吹香去盡是冰霜不是春

舟中偶成

黃帽招呼急下船天明僅可過涵山朦朦一枕
梅花夢猶在寒牕紙帳閒

題臨安傲樓

過了燒燈望燕歸春寒剗地勒芳期杏花深巷
無人賣細雨空簾盡日垂

粉蝶

宿粉棲香樂最深暫依芳草避春禽晚來風起
還無定舞入梨花何處尋

活計

三閒茆屋蓋頭顱除却吟篇事事無擬把十年
窮活計一時傾倒向江湖

無愁

世閒惟我最無愁纔是無愁得自由午睡覺來
門半掩一池春水看魚遊

春陰

橋潭詩藁

六讀書齋正本

密雨流酥入翠苔春陰日日鎖樓臺女郎未有
尋芳約辜負櫻桃一半開

老翁

八十昂藏一老翁得錢長是醉春風杏花村酒
家家好莫向橋邊問牧童

清明

踏歌搥鼓近清明小雨霏霏欲弄晴喚起十年
心上事春風樓下賣花聲

杜鵑

君若思歸可便歸故鄉祇在錦江西不知何事
畱君住却向空山日夜啼

贈友人

我向詩中爲活計君於酒裏作生涯世閒樂事
惟詩酒各自風流占一家

簾

半窳香波護曲闌纈花紅映玉鉤閒曉來幾陣
輕風過時見溪南罨畫山

碧桃

橋潭詩彙

七讀畫齋正本

玉仙同駕玉鸞飛天上曾攀帶露枝一片不知
何處落曉來流到湧金池

芍藥

金蘂絲頭茜染成五雲樓映玉盤傾謝郎一入
中書後二十四橋空月明

傷春

荷葉初浮水上錢柳花飄盡岸頭絲不知春色
歸何處欲向空山問杜鵑

效無題體

玉釵風斷扇雲深砌冷簾空月易沈流水落花
無處問一年春事一年心

橘潭詩彙

乾隆甲申正月十三日初白菴本勘於知不足齋

橘潭詩彙

八讀畫齋正本

12228

